

BUDAYA BERHUTANG DALAM MASYARAKAT MASAKINI : SATU PENELITIAN BERDASARKAN KONSEP HUTANG DALAM ISLAM

**Mohd Kamal Azman bin Jusoh
Hydzulkifli Hashim
Mohd Nazri bin Mohd Noor**

CITU UiTM Pahang, 26400 Bandar Jengka, Pahang

Abstrak: Islam telah meletakkan asas yang kukuh berkaitan hutang piutang. Diharuskan berhutang apabila seseorang berada di dalam kesempitan dan tidak digalakkan berhutang tanpa keperluan. Situasi sekarang dengan kes-kes keberhutangan yang serius dan masalah-masalah yang berlaku kesan dari hutang ini cukup menakutkan. Kesan hutang dalam Islam bukan sekadar melibatkan hidup di dunia malahan hingga ke alam kematian. Kertas kerja ini adalah kertas konsep yang mengupas mengenai konsep hutang dalam muamalat Islam yang bersumberkan dalil-dalil dari al-quran dan hadith-hadith Rasulullah S.A.W. Ia dapat dijadikan panduan dalam amalan berhutang yang dapat memberi kebahagiaan kepada penghutang sama ada di dunia mahupun di akhirat.

Kata Kunci : Budaya Berhutang Dalam Masyarakat, Hutang Dalam Islam.

Pendahuluan

Konsep hutang yang wujud dalam kehidupan manusia sudah lama dibincangkan di dalam muamalat Islam. Ayat yang paling panjang di dalam al-Quran berkait rapat dengan persoalan hutang iaitu di dalam surah al-baqarah ayat 282. Hadith-hadith yang berkaitan dengan persoalan hutang juga telah ditinggalkan oleh Rasulullah (S.A.W) kepada umat Islam. Ia menunjukkan bahawa persoalan hutang adalah antara persoalan yang penting di dalam syariah Islam dan dalam kehidupan manusia. Hutang perlu difahami

oleh masyarakat Islam supaya kehidupan sentiasa dalam kebahagiaan di dunia mahupun di akhirat.

Di zaman moden masa kini fenomena berhutang sudah menjadi lumrah dalam kehidupan. Malah ada yang beranggapan hanya dengan berhutang sahaja mereka dapat memenuhi keperluan hidup seharian. Dengan gaya kehidupan moden sekarang yang kompleks, keperluan dan kehendak manusia semakin bertambah. Kecanggihan transaksi sekarang seperti pengenalan kad kredit dan pelbagai kemudahan skim bayaran ansurans memudahkan masyarakat berhutang. Ditambah pula dengan tarikan-tarikan dan promosi dari institusi kewangan yang menawarkan pembiayaan hutang menyebabkan masyarakat mudah terpengaruh untuk berhutang dan ada penghutang yang terjat ke kancuh hutang yang serius terutama bagi penghutang yang terlalu mengikut nafsu dan tidak mempunyai perancangan dalam berhutang.

Maksud Hutang Dalam Islam

Perkataan yang merujuk kepada hutang yang terdapat di dalam al-Quran, Hadith dan fiqh ialah *al-Dayn* , *al-Qard* dan *al-Salaf* . Hutang dalam institusi kewangan Islam sekarang adalah merujuk kepada perkataan *al-Dayn*. Kata jamaknya ialah *al-Duyun* yang merujuk kepada pemberi hutang dan penerima hutang.¹ Dalam Mu'jam al-Wasit

¹ Dr Naziah Hammad.2008. *Mu'jam al-Mustalahah al-Maliyah wa al-Iqtisadiyyah fi Lughati al-Fuqaha'*. Dar al-Qalam : Damsyik. h. 208 Lihat juga Abi Husin Ahmad bin Faris 1991. *Mu'jam Muqaayis Lughah*. Jil 2.Dar al-Jil : Beirut. hal.320.

perkataan Dayyana merujuk kepada kata sifat bagi hutang.² Perkataan Dain pula ialah seseorang yang berhutang, manakala Daynan ialah masdar bagi Dana iaitu pinjaman ataupun hutang. Terdapat dua pandangan di kalangan para fuqaha berkaitan istilah *al-Dayn* iaitu :

- a) Menurut Imam Hanafi, *al-Dayn* ialah harta yang wajib ditanggung (dibayar) samada terhasil dari akad pertukaran (*muawadhah*), atau dari barang yang *itlaf*³ atau dengan cara hutang (*qard*).
- b) Menurut ulama Maliki, Syafie dan Hanbali, *al-Dayn* ialah sesuatu yang menjadi tanggungjawab (*zimmah*) terhadap harta apabila berlaku transaksi⁴ hutang antara pemiutang dan penghutang.

Berdasarkan keterangan di atas, *al-Dayn* boleh diertikan sebagai setiap sesuatu yang menjadi tanggungjawab (untuk dibayar balik) sama ada hutang tersebut diperolehi dengan cara qard melalui wang, manfaat atau terhapus (*itlaf*).

Dalil-Dalil Hutang Dalam Islam

² Dr. Ibrahim Anis , Dr. Ab Halim Muntasar , Atiyyah al-Sawalihi dan Mohd Khalafallah Ahmad. 1972. *Mu'jam al-Wasit*. jil1-2 , Qaherah, hal 330. Rujuk juga Dr Rohi Baalbaki, 1992, *Kamus al-Mawrid*, jil 4, Dar al-Ilm Lilmalayin, Beirut, hal 534, 558 dan 88 menunjukkan persoalan hutang menggunakan perkataan *Da-na*, *Daynan* dan *Istidan*.


³ Itlaf dari segi bahasa ialah rosak atau binasa. Dari segi istilah Fuqaha, al-Kasani menyatakan sesuatu barang yang telah digunakan dengan cara menghabiskan atau merosakkannya secara adat kebiasaan (*Mausuat Fiqhiyyah*, 1992, jil 1, Wizarah Awqaf wa al-Syuun al-Islamiyyah, Kuwait, Bab Itlaf, hal. 216. seperti makanan dan minuman. Rujuk juga Muhammad Rawwas al-Qal'aji dan Hamid Sadiq Qunaibi, 1996, *Mu'jam al-Lughat al-Fuqaha'*, Dar al-Nafais, Beirut, hal 19.)

⁴ *Mausuat Fiqhiyyah*, 1992, jil 2, Wizarah Awqaf wa al-Syuun al-Islamiyyah, Kuwait, Bab al-Dayn, hal. 103.

Konsep asas hutang dalam Islam terdapat di dalam al-quran, Sunnah Rasulullah (S.A.W) dan juga berdasarkan ijma' ulama dan Qiyas.

1. Dalil al-Quran

i- Surah al-Baqarah, ayat 282




Maksudnya : "Wahai orang-orang Yang beriman! apabila kamu menjalankan sesuatu urusan Dengan hutang piutang Yang diberi tempoh hingga ke suatu masa Yang tertentu maka hendaklah kamu menulis (hutang dan masa bayarannya) itu".

Ayat di atas adalah adalah dalil tentang keharusan muamalat hutang di dalam Islam. Ia juga meliputi hutang *Salam* dan juga jual beli dengan harga tangguh.⁵ Ibn Abbas mentafsirkan bahawa ayat di atas diturunkan khusus untuk *salam*. Iaitu amalan jual beli *salam* penduduk Madinah, kemudiannya merangkumi semua jenis-jenis hutang yang lain.⁶

⁵ Abd Rahman bin Nasr al-Saudi, 1410 H, *Taisir al-Karim al-Rahman fi Tafsir Kalam al-Manan*, jil 1, al-Riasah al-Amah li al-Idarati al-Buhuth al-Ilmiyyah wa al-Ifta' wa al-Da'wati wa al-Irsyad, Riyadh, hal.342.

⁶ Al-Qurtubi, Abi Abdullah Muhammad bin Ahmad al-Ansari 2000, *Jami' al-Ahkam al-Quran*, jil 3, Dar Kutub al-Ilmiah, Beirut, hal. 243.

ii- Al-Baqarah, ayat 245.



Maksudnya : "Siapakah orangnya Yang (mahu) memberikan pinjaman kepada Allah sebagai pinjaman Yang baik (yang ikhlas) supaya Allah melipatgandakan balasannya Dengan berganda-ganda banyaknya? dan (ingatlah), Allah jualah Yang menyempit dan Yang meluaskan (pemberian rezeki) dan kepadaNyalah kamu semua dikembalikan".

Menurut al-Qurtubi, ayat di atas adalah ayat berkaitan hutang. Konsep hutang dalam Islam tidak hanya dengan manusia sahaja, bahkan hutang yang baik ialah memberi hutang dengan mengharapkan keredaan Allah seperti sedekah. Ayat di atas juga menunjukkan kewajipan penghutang membayar hutang sebagaimana Allah akan membalas balasan berlipat ganda dengan kebajikan yang dilakukan oleh manusia.⁷

2. Dalil al-Sunnah

i- Imam Bukhari meriwayatkan hadith yang bersumberkan dari Jabir bin Abdullah R.A dari Rasulullah (S.A.W) iaitu :

)

⁷ Al-Qurtubi, Abi Abdullah Muhammad bin Ahmad al-Ansari 2000, *Jami' al-Ahkam al-Quran*, jil 3, Dar Kutub al-Ilmiyah, Beirut, hal. 157.

. . (.
8

Maksudnya : Dari Jabir bin Abdullah R.A dia berkata “Aku berperang bersama Nabi S.A.W. dan Baginda bersabda (Bagaimana pendapatmu tentang untamu ? Adakah engkau mahu menjualkannya) Aku berkata “Ya” lalu aku menjualkannya kepada Baginda. Ketika sampai di Madinah akupun menemui Baginda pada pagi hari dengan membawa unta tersebut . Maka Baginda pun membayarkan kepadaku harganya”.

Hadith di atas adalah dalil yang jelas tentang keharusan muamalat hutang yang juga menjadi amalan Rasulullah. Menurut Ibnu Munayyar Rasulullah menanggihkan pembayaran kerana tidak mempunyai wang pada waktu itu ⁹. Sekiranya Baginda mempunyai wang sudah tentu Baginda akan membayarnya secara tunai . Kerana Baginda sentiasa segera menunaikan apa sahaja yang perlu ditunaikan.

- ii- Amalan keharusan berhutang diperkukuhkan lagi dari Sahih Muslim yang bersumberkan hadith dari Abu Rafi’ R.A dari Rasulullah (S.A.W) iaitu:

⁸ Bukhari, *Sahih Bukhari*, no. 2385, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 186.

⁹ Ahmad bin Ali bin Hajar al-Asqalani, 2000, *Fath al-Bari Syarah Sahih al-Bukhari*, jil. 5, Dar al-Kutub al-Ilmiah, Beirut, hal. 68.

¹⁰() .

Maksudnya : “Sesungguhnya Rasulullah (S.A.W) berhutang seekor unta muda kepada seorang lelaki. Kemudian diberikan kepada baginda seekor unta sedeqah. Baginda memerintahkan Abu Rafi’ membayar unta muda lelaki tadi (kepada tuannya). Kemudian Abu Rafi’ kembali dengan mengatakan tidak menemui unta selain berumur lebih kurang tujuh tahun (Unta jantan yang telah tumbuh empat gigi di hadapan). Baginda menjawab “Berikan unta itu kepadanya kerana sebaik-baik orang ialah orang yang paling baik membayar hutang”.

3. Ijma’

Ijma’ ulama’ telah memutuskan bahawa berhutang itu harus.¹¹ Keharusan ini berdasarkan kepada dalil-dalil yang terdapat di dalam al-quran yang mengharuskan amalan ini. Begitu juga sunnah Rasulullah S.A.W yang telah dibincangkan menunjukkan Rasulullah tidak menghalang muamalah hutang, malah Rasulullah sendiri mengamalkannya. Seperti kisah Abu Rafi’ yang membayar hutang dengan unta yang lebih baik dengan perintah dari Rasulullah S.A.W. Keharusan berhutang bukan hanya sesama Islam malahan juga dengan bukan Islam sebagaimana amalan Rasulullah menggadaikan baju besi dengan orang Yahudi. Hadith dari Aisyah R.A iaitu :


¹⁰ Muslim, *Sahih Muslim*, no. 4108, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 956.

¹¹ Kharufah , Ala’ al-Din, 1982, *Aqd al-Qard Fi al-Syariah al-Islamiyyah Wa Qanun al-Wad’i*, Muassasah Naufal, Beirut, hal. 162

Maksudnya : Dari al-A'mash, dia berkata “Kami membincangkan di hadapan Ibrahim tentang gadai dalam jual beli salam. Maka dia berkata, al-Aswad telah menceritakan kepadaku dari Aisyah R.A bahawa Nabi S.A.W telah membeli makanan dari orang Yahudi tidak secara tunai dan Baginda menggadaikan baju besinya”.

4. Qiyas

Harusnya hutang boleh berdasarkan kaedah qiyas kerana membantu memenuhi keperluan seseorang yang memerlukan dan juga melepaskannya dari kesusahan. Bantuan hutang yang diberikan pada masa seseorang yang amat memerlukan amatlah besar ganjaran oleh Allah S.W.T kepada pemberi hutang. Manakala penghutang pula dapat menikmati kehidupan dunia dengan stabil. Konsep bantu membantu inilah yang digalakkan oleh Allah S.W.T sebagaimana firman Allah :



¹² Bukhari, *Sahih Bukhari*, no. 2509, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 197.

¹³ Al-Quran, al-Maidah 5:2

Maksudnya : “Hendaklah kamu bertolong-tolongan untuk membuat kebajikan dan bertaqwa, dan janganlah kamu bertolong-tolongan pada melakukan dosa (maksiat) dan pencerobohan”.

Hukum Hutang Dalam Islam

Berdasarkan dalil-dalil dari al-Quran, al-Sunnah, ijma' dan Qiyas di atas dapat disimpulkan bahawa memberi hutang kepada orang lain adalah sunat ¹⁴. Hutang adalah amalan baik yang bersesuaian dengan sifat kemanusiaan iaitu saling bantu membantu antara satu sama lain. Oleh itu seseorang yang berada dalam kesusahan dan kekurangan memerlukan pertolongan dari orang kaya. Manakala meminta untuk berhutang bagi keperluan seharian atau menambah modal perniagaan adalah harus hukumnya.

Hukum hutang boleh berubah bergantung kepada manfaat ataupun kerosakan yang berlaku hasil dari muamalat hutang yang melibatkan samada pemiutang ataupun penghutang. Jika hutang tersebut bertujuan ke arah merosakkan maka hukumnya adalah haram atau makruh bergantung kepada perbuatan yang dilakukan. Sebaliknya jika tujuannya kerana *dharuriyyat*¹⁵ maka hukumnya adalah wajib¹⁶. Antara hukum hutang ialah :

¹⁴ Mustofa al-Khin, Mustofa al-Bugho dan Ali al-Syarbaji, 2000. *al-Fiqh al-Manhaji Ala Mazhab al-Imam al-Shafie*, jil 3, Dar al-Qalam, Damshik, hal. 91.

¹⁵ Al-Ahkam al-Adliyyah, 2002, *Undang-Undang Sivil Islam*, Terj. Md Akhir Yaacob, Dewan Bahasa dan Pustaka, Kuala Lumpur, hal. 33.

¹⁶ Ahmad As'ad Mahmud al-Haj, 2008, *Nazriyyatu al-Qard fi al-Fiqh al-Islami*, Dar al-Nafais, Jordan, hal 66.

- i- **Haram** : Hukum haram berlaku apabila pemiutang memberi hutang kepada penghutang dan diketahui bahawa hutang tersebut akan digunakan untuk tujuan yang diharamkan sebagai contohnya menghutangkan wang kepada penghutang yang diketahui tujuannya untuk berjudi dan berzina. Begitu juga memberikan hutang dengan syarat faedah atau untuk tujuan perniagaan yang diharamkan seperti perniagaan loteri untuk perjudian.

- ii- **Makruh** : Hukum makruh boleh berlaku apabila digunakan untuk tujuan yang dimakruhkan seperti hutang untuk tujuan memproses tembakau bagi industri rokok. Begitu juga pemiutang mengetahui hutang tersebut akan digunakan untuk menunjuk-nunjuk.

- iii- **Wajib** : Hukum wajib boleh berlaku apabila pemiutang mengetahui penghutang tersebut amat memerlukan hutang untuk menampung keperluan hidupnya dan keluarga serta tiada cara yang lain untuk mendapatkan keperluan hidup kecuali berhutang. Jika hutang tidak diberikan menyebabkan kemudaratan kepada diri dan keluarganya. Contohnya semasa seseorang dalam kelaparan yang amat sangat atau dalam sakit tenat dan mereka tidak memiliki apa-apa harta untuk memulihkan keadaan mereka. Manakala pemiutang pula orang yang mempunyai harta yang lebih.¹⁷ Berdasarkan al-Ruyani, hukum asal memberikan pinjaman atau hutang pada zaman awal

¹⁷ Mustofa al-Khin, Mustofa al-Bugho dan Ali al-Syarbaji, 2000. *al-Fiqh al-Manhaji Ala Mazhab al-Imam al-Shafie*, jil 3, Dar al-Qalam, Damshik, hal. 91-92. Rujuk juga Abdullah bin Muhammad al-Thayyar, Abdullah bin Muhammad al-Muthlaq dan Muhammad bin Ibrahim al-Musa, 2004, *al-Fiqhul Muyassar Qismul Muamalat, Mausu'ah Fiqhiyyah Haditsah Tatanawwalu Ahkama al-Fiqhi Islami Bi Uslub Wadhih li Mukhtasin Wa Gharimin*, Terj. Miftahul Khairi, Madarul Wathan Lin Nasr, Riyadh.hal : 157-158.

Islam adalah wajib yang berdasarkan surah al-Maaun (7,2). Namun hukum tersebut telah dinasakhkan menjadi sunat ¹⁸.

Fenomena Berhutang Dalam Masyarakat

Hukum harus berhutang dengan syarat-syarat tertentu yang terdapat di dalam Islam sepatutnya menjadikan orang melayu yang beragama Islam khususnya menjadi penghutang yang sederhana dan tidak menghadapi masalah dari hutang mereka. Namun terdapat kes-kes yang menunjukkan sebaliknya. Kewujudan kes-kes ini menunjukkan wujud masalah dan kepincangan dalam amalan berhutang di kalangan masyarakat Islam di Malaysia.

Budaya suka berhutang di kalangan masyarakat melayu telah dirakamkan oleh British pada zaman penjajahan lagi. Menurut Kratoska Paul H. ¹⁹ pihak British merumuskan tentang amalan suka berhutang masyarakat melayu seperti berikut :

“ The Malays fell into debts because of the tendency to be extravagant and because of the lack habits of thrift”

Laporan dari pihak British ini dapat diperkukuhkan lagi dengan fenomena sekarang yang memperlihatkan bahawa golongan penghutang melayu yang beragama Islam adalah golongan yang paling ramai terlibat dalam gejala muflis. Laporan di

¹⁸ Al-Syarbini, Muhammad, 1998, *Mughni al-Muhtaj*, jil 2, Dar al-Fikr, Beirut, hal.356.

¹⁹ Paul Harold Kratoska, 1975, *Proconsuls, Yeomen and Rice Farmers Cultural Categories in British Malaya*, University of Chicago, Thesis Ph. D. Jabatan Sejarah.

Parlimen oleh Timbalan Menteri di Jabatan Perdana Menteri iaitu Datuk M. Kayveas, pada 2006 seramai 13,590 telah diisytihar muflis dan jumlah yang tertinggi ialah kaum melayu iaitu seramai 6,259 orang berbanding 5,735 dari kaum Cina, 1,165 India dan 431 lain-lain kaum.

Mengikut laporan yang dikeluarkan oleh Bank Negara Malaysia, jumlah hutang kad kredit pada suku pertama tahun 1998 ialah RM 969 juta, tetapi pada suku pertama tahun 2000, hutang tertunggak kad kredit dalam negara telah meningkat kepada RM 5 bilion. Peningkatan ini juga dapat dilihat pada jumlah belian menggunakan kad kredit ialah RM 1710 juta kepada RM 2.8 bilion dalam tempoh yang sama²⁰. Berdasarkan statistik, penggunaan menggunakan kad kredit didapati telah meningkat dengan begitu ketara. Ia membuktikan usaha kerajaan untuk menggalakkan masyarakat berbelanja bagi merancakkan ekonomi negara telah berjaya. Namun begitu dalam aspek yang lain, ianya telah mewujudkan satu bentuk budaya yang tidak sihat iaitu sindrom suka berhutang.

Agensi Kaunseling dan Pengurusan Kredit (AKPK) adalah pihak yang dipertanggungjawabkan oleh Bank Negara Malaysia untuk membantu masyarakat dalam menguruskan kewangan. Sejak penubuhannya pada april 2006 sehingga februari 2010, AKPK telah memberi kaunseling kepada 115,126 kes di seluruh Malaysia. Dari jumlah itu seramai 39, 447 penghutang telah dimasukkan ke dalam program pengurusan hutang AKPK²¹ untuk membolehkan penghutang membayar balik hutang mereka sekadar kemampuan mereka.

²⁰ Dewan Masyarakat, Disember 2001.

²¹ The Sun, 1 Jun 2010.

Dengan suasana ekonomi yang tidak menentu sekarang menuntut kepada perbelanjaan yang bijak. Kadar inflasi pada bulan julai 2008 melonjak kepada 8.5 peratus melebihi 0.8 peratus pada bulan sebelumnya.²² Peningkatan inflasi ini mengakibatkan bebanan kepada pengguna dan budaya berhutang yang melampau akan menjadikan kehidupan menjadi semakin tertekan. Ada yang berhutang dengan Along untuk menyelesaikan masalah kewangan mereka. Golongan yang terlibat dalam masalah hutang tidak mengira sesiapa sama ada individu ataupun organisasi.

Implikasi Negatif Yang Wujud Dari Masalah Hutang

Kesan negatif yang berlaku dari masalah hutang begitu banyak. Ia meliputi sama ada dari alam roh atau pun alam dunia. Hutang yang tidak diselesaikan semasa hidup akan menyebabkan orang mukmin yang telah meninggal dunia akan tergantung jiwanya sehingga selesai hutang tersebut. Sabda Rasulullah S.A.W :

²³.«

»

Maksudnya : Dari Abu Hurairah R.A berkata, sabda Rasulullah S.A.W “Jiwa seorang mukmin tergantung kepada hutangnya sehinggalah dijelaskan”.

²² Utusan Malaysia , 29 Ogos 2008.

²³ al-Tirmizi, *Jami' al-Tirmizi*, no. 1078, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 1755.

Al-Shan'ani mengatakan hadits ini menunjukkan bahawa seseorang akan tetap disibukkan dengan hutangnya walaupun telah meninggal dunia. Hadith ini menganjurkan kepada muslim supaya segera menyelesaikan hutang sebelum meninggal dunia dan beratnya tanggungjawab penghutang terhadap hutangnya ²⁴.

Penghutang juga tidak akan masuk syurga sehingga hutangnya dibayar ²⁵ dan Rasulullah S.A.W sendiri tidak akan menyembahyangkan jenazah seseorang yang masih menanggung hutang sehinggalah dijamin hutang tersebut akan dibayar oleh orang lain. Sebagaimana Hadith yang diriwayatkan oleh Imam al-Bukhari iaitu :

. « » . « » .
 . « » .
 . « » .
 . « » .

²⁴ Adil bin Muhammad Al-Abdul Ali, 2005, *Hatta La Taghriq Fi al-Duyun*, Terj. Yahya Tengku, Darus Sunnah, Jakarta, hal 95.

²⁵ Hadith Rasulullah S.A.W :

.« »
 »
 .«

Maksudnya : Diriwayatkan oleh Muhammad bin Jahsy berkata, saat kami sedang duduk bersama-sama Rasulullah S.A.W, tiba-tiba Baginda mengadap wajahnya ke langit kemudian meletakkan tangannya di atas dahi seraya bersabda, “Maha suci Allah alangkah beratnya apa yang diturunkan” Keesokan hari aku bertanya, “Apakah perkara berat yang diturunkan itu ?” Baginda bersabda , “ Demi jiwaku yang berada di tanganNya, seandainya ada seseorang yang terbunuh di jalan Allah kemudian dia dihidupkan kembali, lalu terbunuh lagi, lalu dihidupkan lagi, lalu terbunuh lagi dan dia masih menanggung hutang, dia tidak akan masuk syurga sehingga hutangnya dibayar”. (al-Nasa’i, *Sunan al-Nasa’i*, no. 4688, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 2390.)

Bermaksud : “ Dari Salamah bin al-Akwa’ R.A, dia berkata “Kami pernah duduk di sebelah Rasulullah S.A.W, tiba-tiba didatangkan satu jenazah, maka mereka berkata, “Sembahyangkanlah untuk dia”, Baginda bertanya “Apakah dia memiliki hutang?”. Mereka menjawab “Tidak”. Baginda bertanya “Apakah beliau meninggalkan sesuatu? Mereka menjawab “tidak”. Maka baginda menyembahyangkan mayat tersebut. Kemudian didatangkan jenazah yang lain dan mereka berkata “ Wahai Rasulullah, sembahyangkanlah untuk dia”, Baginda bertanya “Apakah dia memiliki hutang?”. Dijawab “Ya”. Baginda bertanya “Apakah dia meninggalkan sesuatu?”. Mereka menjawab “Tiga dinar”. Maka baginda menyembahyangkan mayat tersebut. Kemudian didatangkan jenazah ketiga dan mereka berkata “Sembahyangkanlah untuk dia”, Baginda bertanya “Apakah dia meninggalkan sesuatu?”. Mereka menjawab “Tidak”. Baginda bertanya “Apakah dia memiliki hutang?”. Mereka menjawab “Tiga dinar”. Baginda bersabda “Sembahyangkanlah sahabat kalian”. Abu Qatadah berkata “ Sembahyangkanlah untuknya wahai Rasulullah dan hutangnya menjadi tanggunganku”. Maka Baginda menyembahyangkan jenazah tersebut”.

Al-Daraquthi meriwayatkan bahawa Rasulullah S.A.W apabila sampai waktu menyembahyangkan jenazah, baginda tidak pernah sedikitpun bertanyakan perkara selain daripada hutang²⁷. Ini menunjukkan bahawa persoalan tidak menjelaskan hutang adalah perkara serius dan seseorang akan bebas dari tanggungannya sehinggalah hutang itu dijelaskan. Setelah ianya dijelaskan barulah boleh dilakukan pembahagian harta pusaka.

²⁶ Bukhari, *Sahih Bukhari*, no. 2289, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 178.

²⁷ Muhammad bin Ismail al-Amir al-Yamani al-San’ani, 1995, *Subul al-Salam*, jil 3, Dar al-Fikr, Beirut, hal 1185.

Kesan negatif dari hutang dapat juga dilihat semasa hidup di dunia. Secara umumnya kesan yang timbul dari gejala hutang dapat dilihat dari aspek fizikal dan mental sama ada melibatkan individu, keluarga, masyarakat serta negara.

Kesan negatif paling ketara berdasarkan undang-undang hasil dari masalah hutang ialah muflis atau bankrap. Laporan dari Bank Negara Malaysia mendedahkan bahawa jumlah individu yang diisytiharkan bankrap pada tahun 2008 adalah sebanyak 13,907 kes dan lebih kurang 10 peratus daripadanya melibatkan individu yang berhutang dengan kad kredit. Daripada 3,548 individu yang diisytiharkan muflis disebabkan hutang kad kredit, sebanyak 50 peratus daripadanya merupakan pemegang kad kredit yang berusia bawah 30 tahun.²⁸

Kecederaan fizikal boleh berlaku disebabkan oleh hutang²⁹. Tiga lelaki diperlakukan seperti binatang apabila leher dan kaki mereka dirantai serta dikurung dalam 'lokap' buatan Along. Lebih kejam, mangsa hanya dibekalkan dengan sebuku roti untuk setiap dua minggu dan terpaksa minum air paip dalam bilik kecil yang dilengkapi tandas.³⁰

Gangguan emosi yang lahir dari masalah hutang akan menyebabkan hidup dalam ketakutan dan tindakan yang tidak normal. Dengan itu terdapat kes wanita yang berhutang dengan Along akhirnya terpaksa ke kancah pelacuran demi untuk membayar hutang³¹. Kecurangan boleh berlaku kerana suami mempunyai hutang dan hidup dalam kemiskinan

²⁸ Utusan Malaysia, 17 Jun 2009.

²⁹ Ibid, 9 Ogos 2009. Lihat juga dalam Utusan Malaysia, 14 Julai 2009, ibu tunggal diancam dipotong tangan kerana gagal membayar hutang Along serta interest sebanyak RM 22,000.00 setelah berhutang berjumlah RM 8,800.00.

³⁰ Ibid, 28 Mei 2009.

³¹ www.bharian.com.

yang keterlaluan³². Tedapat juga wanita yang diperangkap dengan diugut akan disebarkan adegan lucahnya kepada masyarakat jika menuntut hutangnya. Selain tidak boleh menuntut hutangnya, beliau terpaksa menanggung beban hutang kad kredit, bil telefon dan hutang persendirian bekas pasangannya yang ingin memulakan perniagaan.³³

Konflik dalam keluarga akan berlaku jika ahli keluarga mempunyai hutang. Pihak pemungut hutang akan sentiasa menghubungi individu dan keluarga yang terlibat. Lebih menakutkan jika dihubungi oleh Along. Pertengkaran antara ibu dan bapa akan mengakibatkan anak lari dari rumah lantaran tidak wujud ketenteraman dalam rumah. Suami akan melarikan diri dan menyembunyikan diri kerana tidak tahan diburu oleh Along³⁴.

Paling menakutkan kesan dari konflik hutang ialah tindakan membunuh diri. Pakar runding Psikiatri, Pusat Perubatan Universiti Malaya (PPUM), Dr Muhamad Muhsin Ahmad Zahari menjelaskan golongan berusia 40 tahun ke atas membunuh diri di Malaysia disebabkan faktor ekonomi³⁵. Akibat kemelesetan ekonomi menyebabkan hutang semakin banyak, ditambah pula dengan kehilangan pekerjaan dan seterusnya pengishtiharan bangkrap akan menyebabkan mudah untuk melakukan tindakan bunuh diri.

Pelbagai masalah yang berlaku kesan dari masalah hutang memerlukan tindakan agar ianya tidak melarat sehingga menjejaskan ketenteraman negara. Ini menyebabkan Menteri dalam Negeri, Datuk Seri Hishamuddin Hussein melancarkan perang habis-

³² Utusan Malaysia, 10 Mei 2009.

³³ Harian Metro, 24 Mei 2010.

³⁴ www.bharian.com.

³⁵ Ibid.

habisan kepada Along³⁶ lantaran kekejaman yang dilakukan oleh Along. Banyak tangkapan dan usaha membuang iklan-iklan dilakukan antara polis dan pihak berkuasa tempatan.

Kembali Kepada Paksi

Berdasarkan situasi budaya berhutang masyarakat masa kini dan kesan yang lahir daripadanya amatlah berat maka disarankan agar penghutang Islam di Malaysia kembali kepada konsep berhutang berdasarkan Islam. Islam telah menyediakan panduan berhutang dalam kehidupan agar kehidupan umat islam dalam bahagia walaupun berhutang. Antara panduan berhutang dalam Islam ialah :

1. Berhutang Untuk Keperluan Kehidupan

Tujuan utama berhutang dalam Islam adalah untuk memenuhi keperluan atau melepaskan kesulitan dalam kehidupan seharian. Penghutang yang menggunakan hutang untuk mendapatkan harta yang bukan keperluan seperti berhutang membeli kereta baru sedangkan kereta yang lama masih elok dan boleh memenuhi keperluan harian, adalah tidak wajar. Amalan berhutang untuk keperluan amat penting demi maruah diri seseorang. Dalam Islam taraf penghutang walau setinggi manapun kedudukannya tetap berada di bawah pemiutang³⁷. Oleh itu tidak wajar seseorang merendahkan kedudukannya dan harga diri dengan berhutang tanpa keperluan yang sebenar.

³⁶ Utusan Malaysia, 23 jun 2009 dan 25 jun 2009.

³⁷ Tangan di atas adalah lebih baik dari tangan yang dibawah iaitu pemberi hutang lebih baik dari penerima hutang. Sebagaimana hadith Rasulullah S.A.W yang menasihatkan Hakim bin Hizam:

Tahap keperluan untuk berhutang berbeza dari individu dengan individu yang lain untuk melayakkannya berhutang. Terdapat banyak faktor antaranya gaya hidup individu, bilangan ahli keluarga, lokasi kawasan, faktor persekitaran dan lain-lain. Tahap keperluan asas tidak ditetapkan secara mutlak di dalam Islam kerana keperluan asas ini berbeza mengikut masa, tempat dan masyarakat. Justeru pertimbangan individu amat penting untuk menentukan tahap keperluan berhutang. Pemerintah juga berperanan untuk menentukan tahap keperluan yang terkini berdasarkan pertimbangan dari pakar ekonomi, fiqh dan juga pakar sosial³⁸.

2. Berazam Untuk Membayar Hutang

Penghutang yang baik sentiasa berazam untuk menjelaskan hutangnya. Seseorang yang ingin berhutang sudah tentu mengetahui kemampuan membayar hutang. Menurut Ibn al-Manayyar, jika seseorang berhutang sedangkan beliau tidak mampu membayar, maka sebenarnya peghutang tersebut mengambil harta orang lain dan tidak mahu

»

«

Maksudnya : “Wahai Hakim! Sesungguhnya harta ini adalah hijau dan manis. Sesiapa yang mengambilnya dengan kelapangan jiwa, maka diberkati baginya pada harta tersebut. Tetapi sesiapa yang mengambilnya dengan jiwa yang tamak, maka tidak diberkati baginya pada harta itu, sama seperti orang yang makan Namun tidak kenyang. Tangan di atas lebih baik daripada tangan di bawah”. (Bukhari, *Sahih Bukhari*, no. 1472, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 116).

³⁸ Abdullah Lam bin Ibrahim, 2003, *Ahkam al-Aghniya'*, Cet.1, Dar al-Nafais, Jordan, hal. 42.

membayarnya³⁹. Seseorang yang berhutang dan berazam untuk membayarnya, insya' Allah akan ditolong oleh Allah S.W.T sebagaimana hadith Rasulullah S.A.W :

»

⁴⁰ . «

Maksudnya : “Dari Abu Hurairah R.A, dari Nabi S.A.W, baginda bersabda, “Barangsiapa mengambil harta manusia dan ingin membayarnya, maka Allah akan [menolong] untuk membayarnya; dan barangsiapa mengambilnya dan ingin membinasakannya, maka Allah akan [menolong] untuk membinasakannya”.

Maksud “mengambil harta orang lain” dalam hadith di atas adalah merujuk kepada mengambil harta dengan cara hutang. Manakala maksud “menunaikan” pula merujuk kepada menjelaskan hutang⁴¹. Dengan keazaman dan kesungguhan, Allah S.W.T akan memberi kemudahan kepada penghutang untuk menjelaskan hutangnya. Sebagaimana sabda Rasulullah S.A.W diriwayatkan oleh Ibn. Majah, Ibn. Hibban dan Hakim⁴² :

»

⁴³ . «

³⁹ Ahmad Ali bin Hajar al-Asqalani, 2000, *Fath al-Bari bi Syarah Sahih Bukhari*, jil 5, Dar al-Hadith, Qaherah, hal. 69.

⁴⁰ Bukhari, *Sahih Bukhari*, no. 2387, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 187.

⁴¹ Muhammad bin Ismail al-Amir al-Yamani al-San'ani, 1995, *Subul al-Salam*, jil 3, Dar al-Fikr, Beirut, hal 1153.

⁴² Ibid.

⁴³ Hadith ini betaraf hadith marfu' (Muhammad bin Ismail al-Amir al-Yamani al-San'ani, 1995, *Subul al-Salam*, jil 3, Dar al-Fikr, Beirut, hal 1153).

Bermaksud : “Tidaklah seorang muslim berhutang kepada orang lain, dan Allah mengetahui bahawa ia berniat untuk melunasinya, melainkan Allah akan melunasi hutangnya di dunia dan akhirat”.

Seseorang yang berhutang tanpa keperluan tetapi untuk menghancurkan atau menghabiskan harta orang lain dan bermaksud tidak mahu membayar hutangnya, maka Allah akan membalas tindakan tersebut. Kehidupan penghutang tersebut akan disusahkan kehidupannya dan tiada keberkatan dalam kehidupan dunia. Manakala di akhirat nanti akan diseksa oleh Allah S.W.T.⁴⁴

3. Bersikap Baik Ketika Membayar Hutang

Sikap baik semasa membayar hutang akan lebih mengeratkan hubungan antara penghutang dan pemiutang. Penghutang sememangnya perlu bersikap baik dalam membayar hutangnya kerana kebaikan yang telah diberikan oleh pemiutang kepadanya. Dengan sikap baik ini secara tidak langsung menunjukkan kesyukuran dan terima kasih kepada pemiutang. Bersikap baik dalam membayar hutang telah dianjurkan oleh Rasulullah S.A.W. Sabda Baginda⁴⁵ :

. « »

⁴⁴ Muhammad bin Ismail al-Amir al-Yamani al-San’ani, 1995, *Subul al-Salam*, jil 3, Dar al-Fikr, Beirut, hal 1153.

⁴⁵ Di dalam Sahih Bukhari terdapat lima hadith yang dirakamkan menggunakan perkataan “ Sesungguhnya sebaik-baik kamu adalah yang paling baik dalam membayar hutang”. Iaitu hadith bernombor 2305,2306, 2390, 2392 dan 2393.

. « »
⁴⁶. « »

Maksudnya: “Dari Abu Hurairah R.A, dia berkata, “ Seseorang memiliki hutang dengan Nabi S.A.W seekor unta dengan umur tertentu, lalu dia datang kepada baginda untuk menerima bayarannya. Maka Nabi S.A.W bersabda “Berilah kepadanya unta yang sama umur dengan untanya”. Namun mereka tidak menemui unta yang sama umur kecuali yang lebih tua. Baginda bersabda “Berilah kepadanya!” Orang itu berkata, “Engkau tunaikan untukku, Allah akan menunaikan untukmu”. Nabi S.A.W bersabda “Sesungguhnya sebaik-baik kamu adalah yang paling baik dalam membayar hutang”.

Selain itu, maksud amalan membayar hutang yang baik ialah sentiasa tetap dalam pembayaran hutangnya berdasarkan tempoh masa yang dipersetujui. Rasulullah tetap membayar hutangnya walaupun baginda berada di dalam masjid. Amalan Rasulullah S.A.W ini telah diriwayatkan oleh Jabir bin Abdullah R.A. Sabda Rasulullah S.A.W :

47 . « »

Bermaksud : “Dari Jabir bin Abdullah R.A , katanya aku datang kepada Rasulullah S.A.W. ketika itu baginda berada di dalam masjid. Kata Mis’ar : “Aku kira baginda mengatakan “waktu dhuha”. Kata Nabi : “Solatlah dua rakaat!”. Nabi ada berhutang kepadaku, lalu dibayarnya dan baginda menambah bayaran untukku”.

⁴⁶ Bukhari, *Sahih Bukhari*, no. 2305, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 180.

⁴⁷ Bukhari, *Sahih Bukhari*, no. 443, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 38.

Imam al-Ghazali membincangkan cara yang baik dalam membayar hutang ialah penghutang itu sendiri pergi mendapatkan pemiutang. Tindakan ini memberi kemudahan kepada pemiutang dan elakkan dari pemiutang datang berkali-kali untuk mendapatkan hutangnya. Penghutang pula apabila mempunyai wang hendaklah membayar hutang walaupun belum sampai tempoh bayarannya.⁴⁸

4. Tepati Janji Dan Tidak Menangguhkan Bayaran

Menepati janji adalah sifat yang mulia yang menyebabkan seseorang itu dipercayai dan diyakini. Rasulullah S.A.W yang digelar al-amin semasa sebelum dilantik menjadi rasul telah mengamalkan sifat menepati janji dalam menunaikan hutang dan tidak menangguhkan bayaran. Peristiwa ini berlaku yang diceritakan oleh Abdullah bin Abi al-Hamsa' yang menjadi pemiutang kepada rasulullah S.A.W.

49 .«

»

Bermaksud : “Dari Abdullah bin Abi al-Hamsa’ berkata. “Saya telah menjual sesuatu kepada Nabi S.A.W semasa baginda belum diutuskan menjadi Rasul, dan masih ada lagi baki harganya yang belum dijelaskan kepada saya. Saya berjanji akan datang ke tempatnya, tetapi telah terlupa, kemudian selepas tiga hari barulah

⁴⁸ Imam Abi Hamid Muhammad bin Muhammad al-Ghazali, 1998, *Ihya' Ulumuddin*, jil.3 , Maktabah Misr, Mesir, hal.107.

⁴⁹ Abi Daud, *Sunan Abi Daud*, no. 4996, Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi, hal. 1589.

saya teringat, maka saya pun segera ke tempat yang dijanjikan. Saya dapati Nabi masih ada di tempat itu, lalu Nabi berkata : Hai orang muda! Sesungguhnya engkau menyusahkan saya, sejak tiga hari saya di sini kerana menunggu kamu”.

Hadith di atas menunjukkan sikap menepati janji Rasulullah S.A.W yang cukup tinggi. Walaupun selama tiga hari baginda sanggup menantikan pemiutang kerana janji yang telah dibuat antara baginda dengan Abdullah bin Abi al-Hamsa’. Sikap yang ditunjukkan oleh baginda adalah sikap orang yang bertamaddun dan sikap inilah antara faktor yang memberikan kejayaan kepada dakwah baginda juga menjadi ketinggian dan kemajuan masyarakat Islam⁵⁰. Mununaikan janji telah diwajibkan dan menjadi kefardhuan dalam Islam apabila wujud kontrak perjanjian. Apabila tidak ditunaikan janji tanpa ada keuzuran maka pihak yang memungkirinya berdosa serta mempunyai salah satu ciri-ciri orang munafik. Ciri-ciri orang munafik telah dinyatakan oleh Rasulullah S.A.W dalam hadith baginda :

»

⁵¹«

Bermaksud : “Dari Abu Hurairah R.A bahawa Rasulullah S.A.W bersabda : “ Tanda-tanda orang munafik ada tiga; jika becakap dia berbohong, jika berjanji dia mengingkari dan jika diberi amanah dia khianat”.

Kesimpulan

⁵⁰ Mohd Sulaiman Hj Yasin, 1992, Akhlak dan Tasawuf, Mas’adah (M) sdn. Bhd, Kuala Lumpur, hal. 469.

⁵¹ Bukhari, *Sahih Bukhari*, no.33 , Dalam *Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi,hal.5 .

Fenomena berhutang yang serius sebagaimana laporan-laporan yang dinyatakan dan kesan-kesan yang berlaku dari hutang ini memerlukan penyelesaian yang menyeluruh dan sempurna kepada penghutang. Tanpa panduan yang komprehensif, umat Islam akan sentiasa terbelenggu dengan jerat hutang. Tanggung-jawab penghutang terhadap hutangnya amatlah besar dan berat dalam Islam. Kerana itulah apabila berlaku kematian, penghutang yang mati hendaklah diselesaikan dahulu hutangnya sebelum dilakukan segala wasiat dan faraid kepada waris-warisi si mati.

Agama Islam yang bersifat sempurna menyediakan panduan berhutang yang mengambil kira aspek duniawi dan akhirat. Paling penting panduan berhutang Islam bersifat pencegahan hutang yang serius dan tidak menggalakkan menambahkan hutang. Sifat mencegah adalah lebih baik dari mengubati. Bertepatan dari pencegahan ini dapat dilihat terdapat panduan berhutang yang disarankan Islam agar ianya dapat diamalkan dan dihayati dalam kehidupan. Dengan panduan ini diharapkan agar umat Islam dapat hidup dalam tenang dan bahagia di dunia dan di akhirat.

Bibliografi

- 1 Al-Quran.
- 2 Abd Rahman bin Nasr al-Saudi, 1410 H, *Taisir al-Karim al-Rahman fi Tafsir Kalam al-Manan*, jil 1, al-Riasah al-Amah li al-Idarati al-Buhuth al-Ilmiyyah wa al-Ifta' wa al-Da'wati wa al-Irsyad, Riyadh.
- 3 Abdullah Lam bin Ibrahim, 2003, *Ahkam al-Aghniya'*, Cet.1, Dar al-Nafais, Jordan.
- 4 Abdullah bin Muhammad al-Thayyar, Abdullah bin Muhammad al-Muthlaq dan Muhammad bin Ibrahim al-Musa, 2004, *al-Fiqhul Muyassar Qismul Muamalat, Mausu'ah Fiqhiyyah Haditsah Tatanawwalu Ahkama al-Fiqhi Islami Bi Uslub Wadhih li Mukhtasin Wa Gharimin*, Terj. Miftahul Khairi, Madarul Wathan Lin

- Nasr, Riyadh.
- 5 Abdul Aziz bin Fathi al-Sayyid Nada, 2000, *Mausuat al-Adab al-Islamiyyah*, Terj. Abu Ihsan al-Atsari, Jil. 2, Pt. Pustaka Imam al-Syafi'i, Jakarta.
 - 6 Abi Daud, *Sunan Abi Daud dalam Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi.
 - 7 Abi Husin Ahmad bin Faris 1991. *Mu'jam Muqaayis Lughah*. Jil 2. Dar al-Jil : Beirut.
 - 8 Adil bin Muhammad Al-Abdul Ali, 2005, *Hatta La Taghriq Fi al-Duyun*, Terj. Yahya Tengku, Darus Sunnah, Jakarta.
 - 9 Ahmad Ali bin Hajar al-Asqalani, 2000, *Fath al-Bari bi Syarah Sahih Bukhari*, jil 5, Dar al-Hadith, Qaherah.
 - 10 Ahmad As'ad Mahmud al-Haj, 2008, *Nazriyyatu al-Qard fi al-Fiqh al Islami*, Dar al-Nafais, Jordan.
 - 11 Al-Ahkam al-Adliyyah, 2002, *Undang-Undang Sivil Islam*, Terj. Md Akhir Yaacob, Dewan Bahasa dan Pustaka, Kuala Lumpur.
 - 12 al-Nasa'i, *Sunan al-Nasa'i dalam Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi.
 - 13 Al-Syarbini, Muhammad, 1998, *Mughni al-Muhtaj*, jil 2, Dar al-Fikr, Beirut.
 - 14 al-Syaukani, Mohd bin Ali bin Mohd al-Syaukani, t.t, *Nail al-Authar*, jil. 5, Maktabah Dar al-Turath, Qaherah.
 - 15 Al-Qurtubi, Abi Abdullah Muhammad bin Ahmad al-Ansari 2000, *Jami' al-Ahkam al-Quran*, jil 3, Dar Kutub al-Ilmiah, Beirut.
 - 16 Bukhari, *Sahih Bukhari dalam Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi.
 - 17 Ibn Kathir, Imaduddin Abu al-Fida' Ismail Ibn Kathir, 1993, *Tafsir al-Quran al-Azim*, Jil 2, Maktabah Qayyimah : Qaherah.
 - 18 Ibrahim Anis , Ab Halim Muntasar , Atiyyah al-Sawalihi dan Mohd Khalafallah Ahmad. 1972. *Mu'jam al-Wasit*. jil 1-2 , Qaherah.
 - 19 Imam Abi Hamid Muhammad bin Muhammad al-Ghazali, 1998, *Ihya' Ulumuddin*, jil.3 , Maktabah Misr, Mesir.
 - 20 Kharufah , Ala' al-Din, 1982, *Aqd al-Qard Fi al-Syariah al-Islamiyyah Wa Qanun al-Wad'i*, Muassasah Naufal, Beirut.
 - 21 *Mausuat Fiqhiyyah*, 1992, jil 1&2, Wizarah Awqaf wa al-Syuun al-Islamiyyah, Kuwait.
 - 22 Mohd Sulaiman Hj Yasin, 1992, *Akhlaq dan Tasawuf*, Mas'adah (M) sdn. Bhd, Kuala Lumpur.
 - 23 Muhammad bin Ismail al-Amir al-Yamani al-San'ani, 1995, *Subul al-Salam*, jil 3, Dar al-Fikr.
 - 24 Muhammad Rawwas al-Qal'aji dan Hamid Sadiq Qunaibi, 1996, *Mu'jam al-Lughat al-Fuqaha'*, Dar al-Nafais, Beirut.
 - 25 Muslim, *Sahih Muslim dalam Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi.
 - 26 Mushtaq Ahmad, 2001, *Business Ethics in Islam*, Terj. Samson Rahman, Pustaka al-Kauthar, Jakarta Timur.
 - 27 Mustofa al-Khin, Mustofa al-Bugho dan Ali al-Syarbaji, 2000. *al-Fiqh al-Manhaji Ala Mazhab al-Imam al-Shafie*, jil 3, Dar al-Qalam, Damshik.

- 28 Naziah Hammad.2008. *Mu'jam al-Mustalahah al-Maliyah wa al-Iqtisadiyyah fi Lughati al-Fuqaha'*. Dar al-Qalam : Damsyik.
- 29 Paul Harold Kratoska,1975, *Proconsuls, Yeomen and Rice Farmers Cultural Categories in British Malaya*, University of Chicago, Thesis Ph. D. Jabatan Sejarah.
- 30 Rohi Baalbaki, 1992, *Kamus al-Mawrid*, jil 4, Dar al-Ilm Lilmalayin, Beirut.
- 31 Sayyid Qutub, 1971, *Fi Zilal al-Quran*, jil 1, Dar al-Ahya' al-Turath al-Arabi, Beirut.
- 32 Siti Razahah Abd Razak, Exco Persatuan Peguam Syarie Malaysia.
- 33 Tirmidzi, *Jami' al-Tirmidzi dalam Mausuat Hadith al-Syarif al-Kutub al-Sittah*, 2000, Cet. 3, Dar al-Salam, Arab Saudi.
- 34 Dewan Masyarakat, Disember 2001.
- 35 Harian Metro, 24 Mei 2010.
- 36 The Sun, 1 Jun 2010.
- 37 Utusan Malaysia, 10,23,28 Mei 2009.
- 38 Utusan Malaysia, 17, 25 Jun 2009.
- 39 Utusan Malaysia, 14,17 julai 2009.
- 40 Utusan Malaysia , 9, 29 Ogos 2008.
- 41 www.bharian.com.